

Ўзбекистон делегацияси Қирғизистонда халқаро конференцияда иштирок этмоқда



14:12 / 13.10.2018 2313

Жорий йилнинг 10 октябрь куни Қирғизистондаги Қирғиз-Турк Манас университетининг Илоҳиёт факультетида халқаро конференция ўз ишини бошлади. Бу ҳақда Имом Бухорий халқаро илмий-тадқиқот маркази Халқаро алоқалар бўлими хабар берди.

“Ўрта Осиё олимларининг Ислом маданиятига қўшган ҳиссаси” номли конференцияни Қирғиз-Турк Манас Университетининг ректори очиб берди ва меҳмонлар томонидан маърузалар қилинди.

Илмий анжуманда ўзбекистонлик вакиллар ҳам қатнашган. Имом Бухорий халқаро илмий-тадқиқот марказидан қатнашаётган уч илмий вакил: Ш.Умаров, О.Юсупов, О.Муҳаммадиев ва Имом Термизий халқаро

марказидан профессор Ж.Мирзаевлар ҳам илмий анжуманда ўз маърузалари билан иштирок этдилар.

Асосий маърузалар Ўрта Осиё диёридан чиққан Имом Бухорий, Имом Термизий, Имом Мотурудий ва бошқа алломалар, фақиҳлар ҳаётига бағишланди.

Islom.uz сайти портали таҳририяти